



Das da las trais novas punts d'atschal. (da san.) «Lingia cotschna» Samedan e «Lingia cotschna» Punt Muragl.

Trais novas punts d'atschal

Samedan: Viafier Retica

DA GION NUTEGN STGIER/ANR

■ **Bunamain sis milliuns francs custan las trais novas punts che la Viafier retica lascha construir tranter Puntraschna e Samedan.** Per quella lavur è vegnids inoltrads nov projects. Gudagnà la concorrenza da project ha ina cuminanza d'inschigniers da Cuira. Las trais punts d'atschal existents han ina vegliadetgna da 90 fin 110 onns. Ellas han fatg lur sarvetsch ed èn ussa en in stadi pli decadent. Tar quellas punts sa tracta da la punt Inn a Samedan, da la punt canal a Samedan e da la punt Flaz a Punt Muragl. Per ramplazzar quellas trais punts ha la Viafier retica fatg ina concorrenza da project anonima. Integrà èn quel project è er vegnì in sutpasadi per ina via e per ina loipa. Per quella lavur èn vegnids inoltrads nov projects. Da preschent èn quels exponids a la scola HTW a Cuira, e quai fin ils 30 d'avust 2019. Ier saira ha la Viafier retica preschentà il project victur. Inol-

trà quel ha ina cuminanza d'inschigniers da Cuira, Casutt Wyrsh Zwicky SA / Chitvanni + Wille ScRL. Il num da quel project è «Lingia cotschna».

Architectonic e tecnic da buna qualidad

Il tractat da la Viafier retica da Samedan a Puntraschna tutga dapi intgins onns als Patrimoni mundial da l'Unesco. Sin quel toc èn vegnidas construidas avant passa 100 onns tschintg ovras singularas. Sco quellas duajan er las trais novas punts d'atschal esser architectonic e tecnic da buna qualidad ed er visual insatge per l'egl. Las trais novas punts duessan ir bain a pèr cun la cuntrada e cun lur conturn. Il project «Lingia cotschna» saja in project pragmatic, el correspunda al temp dad oz e risguarda er quai che saja vegnì costruì avant passa 100 onns, ha ditg *Karl Baumann*, il schef infrastruttura tar la Viafier retica. Il project custa sis milliuns francs e duai vegnir realisà il 2021 e 2022.

Aur per ils veterans grischuns

Festa da tir federala dals veterans

■ (anr/gns) Sco finizium da la 26avla edizium da la Festa da tir federala dals veterans ha gi lieu la concorrenza dals chantuns. Tar quella han ils veterans grischuns obtegnì l'emprim post en la categoria armas da sport. **Tratg cun il quartet grischun ha er Plazi Giuseppe Cadruvi.** Durant las davosas duas emnas è Turig stà en il center dals veterans da tir. Al Albisgütli ha gi lieu la Festa da tir federala dals veterans. Sa participads a quella èn 7500 tiradurs, che han tuts gia ademplì 60 onns e dapli. Da la partida èn er stads 350 tiradurs da noss chantun. Noss veterans han persvas ed èn turnads da Turig cun tschintg medaglias. Duas da quellas medaglias schizunt dad aur.

Grischun avant il Vallais

La culminaziun da l'occurranza a Turig è stà il tir dals chantuns. Quella occurranza è adina sutscritta da blera tensiun. Las ambiziuns da las delegaziuns chantunals èn adina fitg grondas, uschè er tar la delegaziun grischuna, cun a la testa *Max Buchli*, il president chantunal dals veterans da tir. Sajettà fitg precis han cunzunt ils quatter tiradurs *Kaspar Hartmann* (Aschera), *Peter Färber* (Favugn), *Plazi Giuseppe Cadruvi* (Laax) ed *Arno Theus* (Favugn). Els han tratg cun l'arma da sport lur program e gudagnà la concorrenza dals chantuns. Fatg han ils Grischuns 777 puncts, tschintg dapli ch'il quartet dal Vallais. Mirà precis han cunzunt Hartmann e Färber cun omaduas far 196 puncts da 200 puncts pussaivels. Il terz plaz han cuntenschi ils



Tratg precis, ils quatter veterans grischuns. (da san.) Peter Färber, Arno Theus, Plazi Giuseppe Cadruvi e Kaspar Hartmann.

FOTO M. BUCHLI

quatter veterans da Berna cun in total da 770 puncts.

Segund plaz per Erwin Caminada

En ils stetgs singuls han ils veterans da tir dal Grischun lura er persvas. *Walter Widmaier* (Aschera) ha gudagnà il tir dals veterans da la categoria arma da mi-

litar 90. Sco unic participant ha el tratg il maximum dad 80 puncts. *Tratg ferm* ha però er *Erwin Caminada* (Mustèr). En il stetg dals veterans, categoria arma 57/03, è il Sursilvan vegnì segund grazia a ses 79 puncts. *Clara Mayer* (Scul) è vegnida èn il stetg art segunda cun l'arma 90 ed *Ueli Krebs* (Sent) è vegnì terz en quel stetg dal champ buis 57/03.

RTR Radiotelevision Svizra Rumantscha

SRG SSR

www.rtr.ch

al puls dal Grischun

RADIO

14.03 NOSS CHORS (rep.)

Las vulpettas, part 6

En il Grischun datti bain inqual chor che ha var 100 onns. I dat dentant era blers chors ch'èn in bun toc pli giuvens. En la sisavla ed ultima part da questa seria vulain nus tadar ils pli giuvens chors dal Grischun.



Ils Grischuns han ina lunga tradiziun da chant e musica. En questa seria vulain nus dar, ensemen cun «Noss chors», in sguard sin ils divers chors dal Grischun. Gia l'entschatta dal 19avel tschientaner èn ils emprims chors vegnids fundads. En l'emissium dad oz udin nus dentant chan-

zuns dals chors ils pli giuvens dal Grischun ch'èn vegnids fundads tranter il 1986 e l'onn 2016.

Redacziun: Dominic Poble

19.00 L'INSTRUMENTALA

Musica militar

En «L'instrumentala» dad oz pudais Vus as persvader da las abilitads ord las retschas da la musica militar.



Nus avain pront in concert cun musica divertenta. Quella tanscha dal swing, sur il marsch, fin tar la polca ed auter pli. D'udir èn tranter auter la musica d'infantaria dal regiment 36 sut la batgetta dad Alvin Muoth, la musica territoriala dal re-

giment 92, la Swiss Army Big Band, diversas musicas da recruts euv.

Redacziun: Christa Soliva

20.03 MIA VITA – MIA MUSICA (rep.)

Mia vita – mia musica cun Annetta Ganzoni

Da pipas, la già, il chaun e la chatscha.



Annetta Ganzoni (61) tgira per l'Archiv svizzer da litteratura ils relaschs d'auturs e d'auturas da lingua rumantscha e talian. En ils tschalers a Berna na datti dentant betg mo manuscrits e palpiris, mabain era pocal, nanins dad iert e bleras pipas. Il soundtrack da la vita d'Annetta Ganzoni va da Vivaldi, sur Pink Floyd e Patent Ochsler fin ad Astor Piazzolla. In'ura plain musica ed istorgia, sco quella dal chaun «Seamus» che dechanta u deurla la notg, da la passiu per texts che descrivan la chatscha, d'Alfonsina che ha fatg suicidi en la mar u daco che l'enfiern è plain amatur che sunan la già.

Redacziun: Guadench Dazzi

TELEVISIUN

8.25 CONTRASTS SIN SRF INFO (rep.)

La «cosa nostra» ha 100 onns

La Lia Rumantscha ha festiva quests dis a Zuoz ses anniversari da 100 onns. Ma

tgi e tge è quella Lia? E tge ha ella fatg tut quests onns? L'emissium Cuntrasts ha fatg visita a Zuoz e mussa ina schelta or da la festa ed or da l'istorgia da l'instituiziun rumantscha: cun gratulants e parti-



cipantas, cun poetins e fabulanzas, cun teatrists e musicistas, cun problemins e sfidas, cun resuns e reacziuns, cun passà e futur.

(Ulteriuras repetiziuns a las 9.25, 10.25, 12.05 e las 13.05 sin SRF info)

17.40 TELESQUARD SIN SRF 1

L'emissium d'infurmaziun sin SRF 1 cun suttitels tudestgs sin TXT 777

(repetiziun sin SRF info tranter las 18.00 e las 22.00)

dapli sin www.rtr.ch

MINISGUARD

MINTGA SONDA A LAS 17:40 SIN SRF 1



RADIO RUMANTSCH

- 05.03 Musica populara
- 06.00 Novitads
- 06.06 Actual la damaun
- 06.30 Novitads / Meteo
- 06.40 Impuls
- 06.50 Revista da medias
- 07.00 Novitads
- 07.06 Actual la damaun
- 07.30 Novitads / Meteo
- 07.40 Kikeri6
- 07.50 Revista da medias
- 08.00 Novitads
- 08.06 Actual la damaun
- 08.30 Novitads / Meteo
- 08.40 Il chavazzin dal di
- 09.00 Novitads
- 09.03 La cuppina
- 09.15 Chalender
- 09.45 Tge chaussas
- 10.00 Novitads
- 10.15 Tips, trics e tacs – cifra
- 10.30 Famus e glorius
- 10.55 Rep. Impuls
- 11.00 Novitads
- 11.03 Actual da mezdi
- 11.15 Co e cum
- 11.30 Novitads / Meteo
- 11.45 Total local
- 12.00 Novitads
- 12.06 Actual da mezdi
- 12.15 Cumpact da mezdi
- 12.25 Prevista Telesguard
- 12.30 SRF Rendez-vous
- 13.00 Las gratulaziuns
- 14.00 Novitads
- 14.03 Rep. Noss Chors
- 15.00 Novitads
- 15.03 Musica
- 16.00 Novitads
- 16.03 Sempverds / Top 3
- 16.30 Program da kino
- 16.50 Prevista Telesguard
- 17.00 Novitads
- 17.06 Actual la saira
- 17.30 Novitads / Meteo
- 17.50 Sport
- 18.00 Novitads
- 18.06 Cumpact – survista dal di
- 18.15 SRF Echo der Zeit
- 19.00 L'instrumentala
- 20.00 Novitads
- 20.03 Rep. Profil
- 21.00 Novitads
- 21.03 Musica
- 22.00 Novitads
- 22.03 Musica
- 23.00 Novitads
- 23.03 Grischun sonor
- 23.55 Buna notg

KIKERI6

IL GIEU DA PRETENSIVS

GLI-SO A LAS 07:40



RTR Radiotelevision Svizra Rumantscha